

MUZIONI
(CÙ DUMANDA D'ESAMI PRIURITARIU)

- **DIPUSITATA DA :** U GRUPPU « *SCELTA PATRIOTTA* » E U GRUPPU « *VOCE NAZIUNALE* »
 - **UGHJETTU :** *NIGUZIAZIONI NOVA DI L'ACCORDI DI BEAUVEAU*
-

Cunsiderendu a mubilizzazioni di a ghjuventù corsa dopu à l'assassiniu d'Yvan Colonna è l'opacità chì ferma sempri oghji nantu à i rispunsabilità è i circustanzi ch'anu permessu à st'episodiu tragicu.

Cunsiderendu a decisioni di classificà senza seguita stu cartulari, mandendu a spassu a vulintà di a famiglia, di i so amichi è d'un populu sanu chi vole cunnosce a verità, nant'à i cumanditarii è i cundizioni di l'esecuzioni d'Yvan Colonna.

Cunsiderendu l'iniziu di i niguziazioni dettu « Prucessu di Beauveau »

Cunsiderendu l'assenza di cuufficialità pà a lingua corsa.

Cunsiderendu l'assenza di puteri legislativi o altri levi istituzionali

Cunsiderendu l'assenza di u statutu di residente è di un corpu elettorale corsu legittimu

Cunsiderendu l'assenza di ricunniscenza di u populu corsu cum'è l'unica cumunità legittima di drittu nantu à a so tarra.

Cunsiderendu a scala di 5.000 parsoni residenti supplementarii in Corsica ogni annu.

Cunsiderendu a situazioni economica è i difficoltà di u sviluppu di l'isula,

Cunsiderendu a precarietà è a puvertà crescenti in Corsica, a crescita di i prezzi di l'essenza, è a diminuzioni di u puteri di cumprera.

Cunsiderendu tutti l'insemi di i risichi pulitichi, ecunomici, climaticchi, energetichi è suciali ch'è a Corsica devi affruntà à a fine di sti 10 anni di maghjuria,

Cunsiderendu l'assenza di risoluzione d'un prublema puliticu ch'un s'hè scioltu dappoi parechji anni;

Cunsiderendu u prucessu di Beauveau, ch'un hà micca riisciutu à risponde à l'attesi sopra menzionati è hè oghji ind'una strada chjosa.

L'ASSEMBLEA DI A GIUVENTÙ DI A CORSICA

Chjama à una rimessa in piazza d'un rapportu di forza purtatu da tutti i forzi vivi di l'isula

Incaricheghja a Presidente di l'Assemblea di Corsica è u Presidente di u Cunsigliu Esecutivu à piglià tutt'i misuri necessari per riniguzià un'accordu puliticu novu in funzioni di l'atessi fondamentali di u populu corsu è di a so ghjuventù